

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
23.06.2020թ. կայացված ԱՖ361984 որոշումն անփոփոխ, իսկ վարչական բողոքն առանց
բավարարման թողնելու մասին

<<28>> 02 2020թ. 7-13- 8565

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Սամվել Մարտիրոսյանի ՄԴ/67833-20 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Պ.Սևակի փողոցի 1 շենքի 54 բնակարանի բնակիչ
Սամվել Մարտիրոսյանը դիմումով խնդրել է բեկանել Ճանապարհային ոստիկանության
վարչական իրավախախտման վերաբերյալ գործով 23.06.2020թ. կայացված ԱՖ361984
որոշումը՝ նշելով, որ համաձայն չէ որոշմամբ արձանագրված իրավախախտման հետ:
Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 23.06.2020թ. կայացված ԱՖ361984 որոշումը ենթակա է կատարման
հետևյալ պատճառաբանությամբ.

«Հ կառավարության 28.06.2007թ. «Հայաստանի Հանրապետության ճանապարհային
երթևեկության կանոնները և տրանսպորտային միջոցների շահագործումն արգելող
անսարքությունների ու պայմանների ցանկը հաստատելու մասին» թիվ 955-Ն որոշման
հորիզոնական գծանշումներ բաժնի 1.1-ի համաձայն՝ «Հոծ գիծ, որը բաժանում է
հանդիպակաց ուղղությունների տրանսպորտային հոսքերը (առանցքային գիծ), նշում
ճանապարհի վտանգավոր վայրերում երթևեկության գոտիների սահմանները և ցույց տալիս
երթևեկելի մասի սահմանները, ուր մուտքն արգելված է, ցույց է տալիս տրանսպորտային
միջոցների կայանման տեղերի սահմանները»:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի
համաձայն՝ տրանսպորտային միջոցների երթևեկության հակադիր հոսքերն իրարից բաժանող
գծանշումների պահանջները չկատարելը առաջացնում է տուգանքի նշանակում՝ սահմանված
նվազագույն աշխատավարձի տասնապատիկի չափով:

Ուսումնասիրությամբ պարզվել է, որ 23.06.2020թ. ժամը 12:55-ի սահմաններում Երևան –
Գյումրի 32կմ ճանապարհահատվածում քաղաքացի Սամվել Մարտիրոսյանի վարած «VAZ
2106» մակնիշի 34MQ536 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃԴԾ 2-րդ սպայական գումարտակի 2-րդ սպայական
վաշտի 1-ին սպայական դասակի տեսուչներ, ոստիկանության կապիտաններ Մ.Ենոքյանի և
Գ.Ղազարյանի կողմից՝ ճանապարհային երթևեկության կանոնի խախտման համար, այն է՝
վարորդը հատելով հանդիպակաց (հակադիր) հոսքերն իրարից բաժանող գծանշումը
կատարել է վազանց: Վարորդի նկատմամբ կազմվել է վարչական իրավախախտման
վերաբերյալ արձանագրություն և Վարչական իրավախախտումների վերաբերյալ ՀՀ
օրենսգրքի 124-րդ հոդվածի 2-րդ մասի համաձայն կայացվել ԱՖ361984 որոշումը:

Ճանապարհային ոստիկանության ծառայողների կողմից տրված պարզաբանման
համաձայն՝ քաղաքացի Սամվել Մարտիրոսյանի կողմից կատարված իրավախախտումն եղել է
անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ

կազմվել է համապատասխան արձանագրություն և կայացվել ԱՖ361984 որոշումը: Միաժամանակ ոստիկանության ծառայողները ներկայացրել են իրավախախտումը հավաստող տեսանյութը և հայտնել, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 23.06.2020թ. կայացված ԱՖ361984 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Սամվել Մարտիրոսյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան